



UNIVERSITÄTS-
BIBLIOTHEK
PADERBORN

**De Jure Rerum Ecclesiasticarum Ad Germaniae Catholicae
Principia Et Usum Pars ...**

Complectens Sectionem I. & II.

Zech, Franz Xaver

Ingolstadii, 1758

Reverendissimo Et Celsissimo Sac. Rom. Imp. Principi Ac Episcopo
Eustettensi Raymundo Antonio.

[urn:nbn:de:hbz:466:1-68048](https://nbn-resolving.org/urn:nbn:de:hbz:466:1-68048)

REVERENDISSIMO

ET

CELSISSIMO

SAC. ROM. IMP.

PRINCIPI

AC

EPISCOPO

EUSTETTENSI

RAYMUNDO

ANTONIO

FRANCISCUS XAVERIUS ZECH, SOC. JESU.

FELICITATEM.



MULTA me per nonnullos annos
a prosequendo opere Insti-
tutionum Canoniarum
deteruerunt. Novos stimulos addidit
singularis TUA, VIGILANTISSIME
PRÆSUL, Sollicitudo, qua mox post
conscensum Thronum Episcopalem,
publico Decreto constituisti, non alios
ad Clericatus Honorem per Dioce-
sin TUAM admittendos esse, nisi qui
Sanctitatem Morum, & Scientiam sub-
limi hoc Statu dignam, hoc est TUAM,
æmularentur. Cum enim multos ex iis,
qui vel Sacræ TUÆ Jurisdictioni jam sub-
jecti sunt, vel subijci per Sacros Ordines uni-
ce optant, Auditores Prælectionum mea-
rum quotidie numerem, nihil mihi potius
incumbere credebam, quam ut specimen
quod-

quoddam Doctrinæ, qua hos Clericos, aut Clericalium Ordinum Candidatos imbueren conor, Venerando Judicio TUO, SAPIENTISSIME PRINCEPS, submitterem. Non solum Episcopalis Sollicitudo, sed etiam Amplissimum CANCELLARII Munus, quod in hujate Catholica Bojorum Universitate, post quindecim Prædecessores TUOS Sextus Decimus Clementissime gerere dignaris, TIBI curam imponit sanæ Doctrinæ sinceritatem tuendi & promovendi, eo certiore effectu, quo sublimius Autoritati Summi Muneris in TE accedit omnigenæ Scientiæ Culmen, & Sanctioris Vitæ illibatus splendor. Si hac gravissima Autoritate præsens Libellus muniri mereatur, meam in tradenda, TUORUM autem Clericorum in percipienda Doctrina Canonica Alacritatem vehementer animabis.

Quod autem moles hujus Tractatus ultra metas, quas præcedentibus opusculis præfixeram, excreverit, & nihilominus *Jura Rerum Ecclesiasticarum* non penitus in-

tra illius terminos coërceantur; imputandum unice est sincero studio, quo labores meos Sanctissimis TUIS Votis conformare adlaboro. Ipsæ enim, quæ tractantur materiæ occasionem præbebant attingendi plura Theologiæ Moralis Placita, & Historiæ Ecclesiasticæ Documenta: in utraque hac Disciplina, præter Sacrorum Canonum Peritiam, plenissime instructos cupis TUÆ Dioecesis Clericos, PASTOR OPTIME: unde etiam utriusque lineamenta non pauca Doctrinæ Canonicae admiscui. Ne tamen eos, qui Juri Pontificio se primum tradunt, rerum multitudine obruerem, pleraque uti & selectiorum Autorum nomina, in Notas subjectas conjeci, quas primis studiorum suorum mensibus negligere possunt, donec generalibus imbuti principiis ad plenioram notitiam hauriendam se excitari sentiant: excitabuntur autem, cum non alia potius ratione se TIBI probandos sciant. Nihilominus his omnibus studiose perlectis, non obtinuisse necessariam do-

etri-

strinam, sed pro Instituto horum libello-
rum se solummodo admonitos censebunt
de iis, quæ vel ex allegatis Autoribus, vel
viva Doctoris voce penitus penetrare
studeant.

En PRINCEPS ERUDITISSIME !
Oculis TUIS subjicio Oeconomiam dua-
rum, quas Libellus iste complectitur, Se-
ctionum : si Methodum in illis observa-
tam TIBI non displicere videro, impera-
tum mihi censebo, ut residuas geminas
Sectiones absque mora longiore TIBI
fistam.

Ut hos meos Conatus Clementissimo
TUO Favore sustententes, Sacram Benedi-
ctionem imploro, Manumque nuperrime
Consecratam demississimo osculo Vene-
ror.

Dabam Ingolstadii VI. Julii Pridie S. WI-
LIBALDI primi Episcopi Eustettensis
MDCCLVIII.

) (4

Oeco-